

სტუდენტთა 88-ე ღია საერთაშორისო სამეცნიერო კონფერენციის

დ ე ბ უ ლ ე ბ ა

1. კონფერენციის ჩატარების ფორმა:

- 1.1. საქართველოს ტექნიკური უნივერსიტეტის სტუდენტთა 88-ე ღია საერთაშორისო სამეცნიერო კონფერენციაზე მონაწილეობის უფლება აქვთ როგორც საქართველოს, ისე უცხოეთის უმაღლესი საგანმანათლებლო დაწესებულებების ბაკალავრიატის, მაგისტრატურის და დოქტორანტურის საგანმანათლებლო პროგრამის სტუდენტებს;
- 1.2. კონფერენციაში მონაწილეობის მსურველი სტუდენტი ვალდებულია, გაიაროს რეგისტრაცია წინამდებარე დებულების 2.1. პუნქტის დაცვით და რეგისტრაციისას წარადგინოს საკუთარი ნაშრომის ქართულ- და ინგლისურენოვანი თეზისი (ერთი ამობეჭდილი და ერთი ელექტრონული (CD დისკზე ჩაწერილი) ვერსია) ამ დებულების დანართის (თეზისის ტექნიკური გაფორმების ინსტრუქცია) მოთხოვნათა სრული დაცვით;
- 1.3. სტუდენტი, რომელიც არ გაივლის რეგისტრაციას, არ აქვს უფლება მონაწილეობა მიიღოს კონფერენციაში;
- 1.4. კონფერენციაში მონაწილე დარეგისტრირებული სტუდენტი ვალდებულია, ნაშრომის ერთი ეგზემპლარი წარადგინოს შესაბამის ფაკულტეტზე, სათანადო სექციის ხელმძღვანელ პირთან 2024 წლის 29 მარტიდან 23 აპრილამდე;
- 1.5. კონფერენციაში მონაწილეობის მისაღებად ერთმა ხელმძღვანელმა არ შეიძლება მოამზადოს ხუთ სტუდენტზე მეტი;
- 1.6. ჟიურის წევრი, რომელიც ამავდროულად არის თემის ხელმძღვანელი, არ ახდენს აღნიშნული ნაშრომის შეფასებას; ასეთ ნაშრომს მიეცემა ჟიურის დანარჩენი წევრების ჯამური შეფასების საშუალო არითმეტიკული;
- 1.7. ბაკალავრიატის, მაგისტრატურისა და დოქტორანტურის სტუდენტებისათვის კონკურსი ტარდება ცალ-ცალკე, ერთმანეთისაგან დამოუკიდებლად; შესაბამისად, კონფერენციაში გამარჯვებული სტუდენტები გამოვლინდებიან ჟიურის მიერ (თითოეულ სექციაზე ცალ-ცალკე) სწავლების საფეხურების მიხედვით;
- 1.8. ჟიურის შემადგენლობა მტკიცდება დეკანის ბრძანებით. ჟიურის შემადგენლობაში უნდა შედიოდეს მინიმუმ 5 წევრი (მათ შორის ჟიურის თავმჯდომარე) და ერთი სტუდენტი, რომელსაც აქვს დამსწრის და არა შემფასებლის სტატუსი;
- 1.9. სტუდენტის მიერ საკუთარი ნაშრომის წარმოდგენისა და ჟიურის წევრებთან კითხვა-პასუხის დრო განისაზღვრება 10-20 წუთით. ჟიურის მიერ ნაშრომის შეფასების კრიტერიუმებია:
 - 1) ნაშრომის აქტუალურობა;
 - 2) ნაშრომში დასმული საკითხის ავტორისეული გადაწყვეტა და დასკვნების დასაბუთება;
 - 3) დისკუსია ჟიურის წევრებთან;
 - 4) მომხსენებლის გადმოცემის უნარი;
 - 5) ნაშრომის პრეზენტაცია.
- 1.10. თითოეულ კრიტერიუმში მაქსიმალური შეფასება არის 10 ქულა. საბოლოო შედეგი გამოითვლება თითოეული კრიტერიუმის ქულათა ჯამური რაოდენობით. ერთნაირი ქულების შემთხვევაში გადაწყვეტილებას იღებს შესაბამისი სექციის ჟიური ხმათა უმრავლესობით;
- 1.11. კონფერენციის თითოეულ სექციაში გამარჯვებული ნაშრომის რაოდენობა არ შეიძლება იყოს სამზე მეტი - ერთი I, ერთი II, ერთი III ადგილი (გამარჯვებულთა გამოვლენა ხდება სწავლების საფეხურების მიხედვით 1.7. პუნქტის შესაბამისად);
- 1.12. სექციის ხელმძღვანელი ვალდებულია, სექციის მუშაობის ანგარიში (ოქმის და დანართების ფიზიკური და ელექტრონული ვერსია, სექციის მუშაობის აუდიო/ვიდეოტექნიკური ჩანაწერი (CD ან DVD)) წარმოადგინოს სტუ-ის სტუდენტური სერვისების ცენტრში სექციის მუშაობის დასრულებიდან 5 დღის ვადაში.

2. კონფერენციაში მონაწილეობასთან დაკავშირებული ძირითადი თარიღები

- 2.1. კონფერენციაში მონაწილეობის მსურველ სტუდენტთა რეგისტრაცია და თეზისების მიღება იწარმოებს 2024 წლის 29 მარტიდან 20 აპრილამდე (ყოველ დღე შაბათ-კვირის გარდა 11:00-დან 16:00 საათამდე) სტუ-ის სტუდენტური სერვისების ცენტრში (მდებარე: ქ. თბილისი, მ. კოსტავას ქ. №77, სტუ-ის ადმინისტრაციული კორპუსი, II სართული, ოთახი №236);
- 2.2. კონფერენცია გაიხსნება 2024 წლის 24 აპრილს, 16:00 საათზე, საქართველოს ტექნიკური უნივერსიტეტის ადმინისტრაციული კორპუსის გიორგი ნიკოლაძის სახელობის დარბაზში;
- 2.3. კონფერენციის სექციების მუშაობა გაიმართება 2024 წლის 29 აპრილიდან 18 მაისამდე.
- 2.4. კონფერენცია დახურვის ღოსისძიება გაიმართება 14 ივნისს, 16:00 საათზე, საქართველოს ტექნიკური უნივერსიტეტის ადმინისტრაციული კორპუსის ივანე ჯავახიშვილის სახელობის დარბაზში.

3. კონფერენციის სამუშაო სექციები

სამშენებლო ფაკულტეტი

1. მშენებლობის სექცია;
2. ჰიდროინჟინერიის სექცია;
3. საგზაო სექცია;
4. მშენებლობის მენეჯმენტის სექცია.

ენერგეტიკის ფაკულტეტი

1. თბოენერგეტიკის, ენერგოეფექტური ტექნოლოგიებისა და ენერგოაუდიტის სექცია;
2. საწარმოო ინოვაციებისა და ოპერაციათა მენეჯმენტის სექცია;
3. ენერგეტიკის ეკონომიკის სექცია;
4. ელექტროენერგეტიკის სექცია;
5. ელექტრომექანიკის სექცია;
6. ელექტროტექნიკისა და ელექტრონიკის სექცია;
7. ელექტრომობილარების ტექნოლოგიების სექცია;
8. ჰიდროენერგეტიკისა და მაგისტრალური სამილსადენო სისტემების სექცია.

სამთო-გეოლოგიური ფაკულტეტი

1. სამთო სექცია;
2. გეოლოგიის სექცია.

ქიმიური ტექნოლოგიისა და მეტალურგიის ფაკულტეტი

1. ქიმიური და ბიოლოგიური ინჟინერიის სექცია;
2. ქიმიის სექცია;
3. ფარმაციის სექცია;
4. გარემოსდაცვითი ინჟინერიისა და ეკოლოგიის სექცია;
5. მეტალურგიის და მასალათმცოდნეობის სექცია;
6. სურსათის მეცნიერებისა და ტექნოლოგიების სექცია.

სატრანსპორტო სისტემებისა და მექანიკის ინჟინერიის ფაკულტეტი

1. მექანიკის ინჟინერიისა და სამრეწველო ტექნოლოგიების სექცია;
2. საინჟინრო გრაფიკისა და ტექნიკური მექანიკის სექცია;
3. ტრანსპორტის და მრეწველობის მენეჯმენტის სექცია;
4. საავტომობილო ტრანსპორტის სექცია;
5. ლოგისტიკის სექცია;
6. სარკინიგზო ტრანსპორტის სექცია.

არქიტექტურის, ურბანისტიკისა და დიზაინის ფაკულტეტი

1. არქიტექტურის საფუძვლების და თეორიის სექცია;
2. არქიტექტურის, ურბანისტიკისა და გარემოს დიზაინის სექცია.

სამართლისა და საერთაშორისო ურთიერთობების ფაკულტეტი

1. სამართლის სექცია;

სამართლისა და საერთაშორისო ურთიერთობების და საინჟინრო ეკონომიკის, მედიატექნოლოგიებისა და სოციალურ მეცნიერებათა ფაკულტეტათაშორისი

1. პოლიტიკისა და საერთაშორისო ურთიერთობების სექცია.

ინფორმატიკისა და მართვის სისტემების ფაკულტეტი

1. პროგრამული ინჟინერიის და ხელოვნური ინტელექტის სექცია;
2. ბიოსამედიცინო ინჟინერიის სექცია;
3. ინფორმაციული ტექნოლოგიების, სისტემებისა და ინტერდისციპლუნური მიმართულებების სექცია;
4. მართვის სისტემების, ავტომატიზაციის და ტესტ-ინჟინერინგის სექცია;
5. ციფრული სატელეკომუნიკაციო ტექნოლოგიების, კომუნიკაციის, ქსელისა და აპარატურული უზრუნველყოფის სექცია;
6. მათემატიკის სექცია;
7. საინჟინრო ფიზიკის სექცია;
8. კომპიუტერული ინჟინერიის სექცია.

დიზაინის საერთაშორისო სკოლა

1. დიზაინის სექცია.

აგრარული მეცნიერებების და ბიოსისტემების ინჟინერინგის ფაკულტეტი

1. აგროინჟინერიის სექცია;
2. მევენახეობა-მელვინეობის სექცია;
3. სასურსათო სექცია;
4. აგრარული მეცნიერებების სექცია;
5. ვეტერინარიის სექცია.

ბიზნესტექნოლოგიების ფაკულტეტი

1. ბიზნეს ადმინისტრირების სექცია;
2. ტურიზმის და მასპინძლობის სექცია;
3. საჯარო მმართველობისა და ელექტრონული ბიზნესის სექცია;
4. საფინანსო და საბანკო ტექნოლოგიების სექცია.

საინჟინრო ეკონომიკის, მედიატექნოლოგიებისა და სოციალურ მეცნიერებათა ფაკულტეტი

1. არქეოლოგიისა და საქართველოს ისტორიის სექცია;
2. ფილოსიფიის სექცია;
3. საზოგადოებასთან ურთიერთობის სექცია;
4. საინჟინრო ეკონომიკის სექცია;
5. ჟურნალისტიკამცოდნეობის სექცია;
6. სოციალურ მეცნიერებათა სექცია;
7. თეოლოგიის სექცია.

მთის მდგრადი განვითარების ფაკულტეტი

1. მთის მდგრადი განვითარების გლობალური გამოწვევის სექცია.

4. კონფერენციის ორგანიზება და მართვა

- 4.1. კონფერენციის მომზადებას და ჩატარებას უზრუნველყოფს სტუ-ის სტუდენტური სერვისების ცენტრი;
- 4.2. აღნიშნულ ცენტრს კონფერენციის ორგანიზებასთან დაკავშირებით ეკისრება შემდეგი ფუნქციები:
 - ა) ფაკულტეტების დეკანებთან და შესაბამისი დეპარტამენტის ხელმძღვანელებთან ერთად მონაწილეობს კონფერენციის სექციების ჟიურის შემადგენლობის დამტკიცების პროცესში;
 - ბ) ახორციელებს მონიტორინგს კონფერენციის მიმდინარეობაზე;
 - გ) ორგანიზებას უწევს კონფერენციაში მონაწილე სტუდენტების თეზისების კრებულის გამოცემას, კონფერენციაში მონაწილე სტუდენტებისათვის სერტიფიკატების, ხოლო გამარჯვებული სტუდენტებისათვის - დიპლომების დამზადებას და გაცემას;
 - დ) კონფერენციის მაღალ დონეზე ჩატარების მიზნით უზრუნველყოფს სხვა საჭირო სამუშაოების შესრულებას.
- 4.3. ფაკულტეტის დეკანები და დეპარტამენტების ხელმძღვანელები ატარებენ ყველა საჭირო მოსამზადებელ სამუშაოს კონფერენციის მაღალ დონეზე ჩატარებლად: ფაკულტეტის დეკანები უზრუნველყოფენ შესაბამის სექციაში ერთი პასუხისმგებელი პირის (ცეცხვის ხელმძღვანელი) გამოყოფას, რომელიც უზრუნველყოფს:
 - ა) ამ დებულების 1.2. და 1.4. პუნქტების მიხედვით სტუდენტთა სამეცნიერო ნაშრომების მიღებას;
 - ბ) სექციის მუშაობის მსვლელობის დაფიქსირებას აუდიო/ვიდეოტექნიკური საშუალებით, რომელიც ჩაიწერება ელექტრონულ მატარებელზე (CD ან DVD).
 - გ) კონფერენციის სექციის სხდომის ოქმის, დანართების ფიზიკურ და ელექტრონული ვერსიების, აუდიო/ვიდეოტექნიკური ჩანაწერის წარდგენას სტუ-ის სტუდენტური სერვისების ცენტრში.

4.4. დეპარტამენტები, თემის მოსამზადებლად შესაბამისი მითითებების გაცემის მიზნით უზრუნველყოფენ პროფესორ-მასწავლებლების მიმაგრებას იმ სტუდენტებზე, რომლებიც გამოთქვამენ კონფერენციაში მონაწილეობის სურვილს.

5. კონფერენციასთან დაკავშირებული სხვა ღონისძიებები

სამეცნიერო კონფერენციასთან დაკავშირებით განხორციელდება სხვადასხვა ღონისძიებები:

- 5.1. გამოიცემა შრომების თეზისების კრებული, რომელშიც დაიბეჭდება კონფერენციაში მონაწილე თითოეული სტუდენტის ნაშრომის ქართულ- და ინგლისურენოვანი თეზისები (კრებულში დაიბეჭდება მხოლოდ ამ დებულების მოთხოვნათა სრული დაცვით წარმოდგენილი თეზისები);
- 5.2. კონფერენციაში მონაწილე გამარჯვებულ სტუდენტებს გადაეცემათ I, II და III ხარისხის დიპლომები;
- 5.3. კონფერენციაში მონაწილე სტუდენტებს, რომლებიც ვერ დაიკავებენ საპრიზო ადგილს, გადაეცემათ მონაწილეობის სერტიფიკატი.

თეზისის ტექნიკური გაფორმების ინსტრუქცია

ნაშრომის სათაური

სტუდენტი სახელი, გვარი
უნივერსიტეტი
ფაკ-ტი, სწავლ. საფეხური (ბაკ-ტი, მაგ-რა, დოქტ-რა), კურსი

ხელმძღვანელი სახელი, გვარი
აკადემიური ხარისხი, აკადემიური თანამდებობა

თეზისის ტექსტი ქართულ ენაზე
(არანაკლებ 10 და არაუმეტეს 15 სტრიქონისა)

Title of an article

Student Name, Surname
University
Faculty, Study Level (Bachelor, Master, PhD), Course

Superviseur Name, Surname
Academic Degree, Academic Position

Text of the summary in English language
(not less than 10 and not more 15 lines)

ტექსტის ზომა - 12 pt; ტექსტის ფონტი - Sylfaen
სტრიქონებს შორის დაშორება - 1
ზედა საზღვარი - 3 სმ.
ქვედა საზღვარი - 2 სმ.
მარჯვენა საზღვარი - 2 სმ.
მარცხენა საზღვარი - 2.5 სმ.

Text size - 12 pt; Text font - Sylfaen
Distance between lines - 1
Upper border - 3 cm.
Lower border - 2 cm.
Right border - 2 cm.
Left border - 2.5 cm.